

Служба новомученикам и исповедникам
Санкт-Петербургской митрополии
совершается 13 ноября (31 октября по Церковному
календарю).

День празднования установлен на заседании архиерейского совета митрополии 1 июля 2022 года. Служба составлена богослужебной комиссией Санкт-Петербургской епархии и одобрена Синодальной богослужебной комиссией 25 мая 2022 года.

НА ВЕЛИКОЙ ВЕЧЕРНЕ

«Блажен муж» – 1-й антифон (псалмы 1, 2 и 3),
в субботу – кафизма вся.

На «Господи, воззвах»: стихиры на 8, глас 1.

Приидіте, вѣрнии, составим лик, / торжествующе и Бѳга
прославляюще, / в свѣтлый прѳзднек новомучеников и исповѣд-
ников града нашего, / вѣры ради Православныя пострадавших
даже до крове, / и к покаянію нас прісно призывающих. / Тіи
бо Христа Бѳга молят непрестанно // о спасеніи душ наших.
(Дважды)

Вас, новомученицы Петербургстии, / ни скорбь, ни тесно-
та, / ни глад, ни гоненія, ниже раны / разлучити от Бѳга возмо-
гоша: / обаче любовь к Немѳ смерть презрели есте. / Темже,
Небеснаго Царствія наследницы сѳще, / непрестанно молитесь
// даровати душам нашим мир и велию милость. (Дважды)

Преславнии священномученицы, / вы жѳртву безкровную
прежде благоговѣйне совершающе, / послѣжде, яко всеплѳ-
дие, / себе самих в жѳртву живѳю принесосте, / молящеся, да
простится грех богоборчества народа нашего. / И ныне Христу,
святіи, молитесь // даровати сродником вашим мир и велию
милость. (Дважды)

В мире скорбни будете, рече Господь, / предвозвещая
радость Небесную. / Сие воистину на вас исполнися, / яко
скорбни многія о Господе, / яже претерпели есте в житіи ва-
шем, / в радость вѣчную душ ваших приложішася. / Испросите и
нам, новомученицы святіи, / силу вся скорбни мужественне пре-
терпевати // и спастися душам нашим. (Дважды)

Слава, глас 8:

Приидите, вернии, / благодарственную песнь принесем
Триипостасному Богу, / даровавшему нам новых мучеников и
исповедников, / изрядных проповедников Божественного Еван-
гелия, / добрых пастырей словесных овец, / преподобных и
праведных, души своя за Христа положивших и веру соблю-
дших, / теплых наших молитвенников и усердных ходатаев, / и с
любовию вси возопиим: / Господи, молитвами и предста-
тельством угодников Твоих // помилуй и спаси души наша.

И ныне, Богородичен, глас тойже:

Царь Небесный за человеколюбие на земли явился, / и с
человеки поживе, / от Девы бо Чистыя плоть приемый / и из Нея
прошедый с восприятием. / Един есть Сын, сугуб естеством, / но
не Ипостасию. / Темже совершенна Того Бога / и совершенна
Человека воистину проповедающе, / исповедуем Христа Бога
нашего: / Егоже моли, Мати Безневестная, // помиловатися
душам нашим.

Пророчества Исаиина чтение (глава 43):

Тако глаголет Господь: вси языцы собращася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя, и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, Егоже избрах. Да познаете, и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог, и несть разве Мене спасаая. Аз возвестих и спасох; уничижих, и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляя. Сотворю, и кто отвратит то? Сиче глаголет Господь Бог, избавляя вас, Святыи Израилев.

Премудрости Соломоновы чтение (глава 3):

Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле, искуси их и, яко всеплодие жертвенное, прият я. И во время посещения их возсияют и, яко искры по стеблию, потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

Премудрости Соломоновы чтение (глава 5):

Праведницы во веки живут, и в Господе мзда их, и попечение их у Вышняго. Сего ради примут царствие благолепия и венец доброты от руки Господни, зане десницею покрывает я и мышцею защитит их. Примет всеоружие рвение свое и вооружит тварь в месть врагом. Облечется в броня правды и возложит шлем суд нелицемерен. Примет щит непобедимый предобие, поострит же напрасный гнев во оружие, споборет же с ним мир на безумныя. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады, вознегодует на них вода морская, реки же потопят я нагло. Спротив станет им Дух силы и, яко вихор, развеет их. И опустошит всю землю беззаконие, и злодейство превратит престолы сильных. Слышите убо, царие, и разумейте, навикните, судий концев земли. Внушите, держащии множества и гордящися о народах язык, яко дана есть от Господа держава вам и сила от Вышняго.

На литии – стихира храма.

Слава, новомучеников, глас 2:

О, святїи новомученицы Петербургстїи, / в годїну лихо-
лѣтїи / лжепастыри льстївыя изобличївше, / вѣрность Цѣркви
Христовей сохранили есте / и, святїни на поруганїе не давше, /
кровь свою за Христа пролиаи есте, / темже к вам усердно взы-
ваем: / молитесь ко Господу, / страну нашу в мире сохранити // и
спасти души наша.

И ныне, Богородичен, глас тойже:

О, чудесе новаго, всех древних чудес! / Кто бо позна
Матерь, без мужа рождшую / и на руку носящую всю тварь
Содержащаго? / Божие есть изволение Рождшееся. / Егоже яко
Младенца, Пречистая, Твоима рукама носившая / и Матерне дер-
зновение к Нему имущая, / не претай молящи о чтущих Тя, //
ущедрити и спасти души наша.

Прошение на литии:

Спаси, Боже, люди Твоя и благослови достояние Твое,
посети мир Твой милостию и щедротами, возвыси рог христиан
православных и низпосли на ны милости Твоя богатыя: молит-
вами Всепречистой Владычицы нашей Богородицы и Присно-
девы Марии: силою Честного и Животворящего Креста, пред-
стательства честных Небесных Сил бесплотных, честного сла-
вного Пророка, Предтечи и Крестителя Иоанна: святых славных
и всехвальных первоверховных апостол Петра и Павла, святого
апостола Андрея Первозванного и прочих всех святых апостол,
иже во святых отец наших и вселенских великих учителей и свя-
тителей, Василия Великого, Григория Богослова и Иоанна

Златоустаго; иже во святых отца нашего Николая, архиепископа Мир Ликийского, Чудотворца; святых равноапостольных Мефодия и Кирилла, учителей Словенских; святых равноапостольных великого князя Владимира и великия княгини Ольги, иже во святых отец наших, святителя Михаила, первого митрополита Киевского, первосвятителей Московских и всея Руси Петра, Алексия, Ионы, Макария, Филиппа, Иова, Еромогена и Тихона; святых, в земли Санкт-Петербуржстей просиявших: святого благоверного великого князя Александра Невского; святителя Игнатия, епископа Кавказского; святых священномучеников Вениамина и Серафима, митрополитов Петроградских; Владимира, митрополита Киевского; Кирилла, митрополита Казанского; Илариона, архиепископа Верейского; Николая, архиепископа Великоустюжского; Григория, епископа Шлиссельбургского; Платона, епископа Ревельского; Сергия, епископа Нарвского; Симона, епископа Уфимского; и святых священномучеников Иоанна Царскосельского, Александра, Александра, Алексия, Василия, Викторина, Владимира, Владимира, Григория, Григория, Емелиана, Иоанна, Иоанна, Карпа, Михаила, Николая, Николая, Николая, Николая, Николая, Николая, Павла, Петра, Сергия, Философа пресвитеров; Никиты диакона; святого священноисповедника Михаила пресвитера; преподобных и богоносных отец наших Антония Дымского, Арсения Коневского, Александра Свирского; Макария Римлянина, Новгородского; Мартирия Зеленецкого, Серафима Вырицкого; святых преподобномучеников Арсения, Льва, Серафима, Сергия; святых преподобномучениц великия княгини Елисаветы, Иоанникии, Марии; святого преподобноисповедника Арефы; святых и добропобедных мучеников Бориса, Иоанна, Николая, Юрия; святых мучениц Анны, Екатерины, Киры;

святыя блаженныя матери нашае Ксении Петербургския, святаго праведнаго отца нашего Иоанна Кронштадтскаго, святых страстотерпцев Императора Николая, Императрицы Александры, цесаревича Алексия, великих княжен Ольги, Татианы, Марии и Анастасии, святаго страстотерпца врача Евгенія, и всех новомучеников и исповедников Санкт-Петербургских, ихже память ныне совершаем, святых праведных Богоотцев Иоакима и Анны и всех святых, молим Тя, Многомилостиве Господи, услыши нас грешных, молящихся Тебе, и помилуй нас.

Молитва на литии:

Владыко Многомилостиве, Господи, Иисусе Христе Боже наш, молитвами Всепречистой Владычицы нашей Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго славнаго Пророка, Предтечи и Крестителя Иоанна, святых славных и всехвальных апостол, святых славных и добродобедных мучеников, преподобных и богоносных отец наших и всех новомучеников и исповедников Санкт-Петербургских, ихже память ныне совершаем, святых праведных Богоотцев Иоакима и Анны и всех святых Твоих, благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата, умири нашу жизнь, Господи, помилуй нас и мир Твой, и спаси души наша, яко Благ и Человеколюбец.

На стиховне стихиры, глас 2.

Подобен: «Егда от Древа...»

Егда законопреступнии людие, / злобою неверия ослепленнии, / в темницы мрачныя вас всадиша / и неправдою на смерть осудиша, / тогда, страстотерпцы святии, / любовьию ко Христу распляемии, / сиче глаголасте: / Боже, в помощь нашу вонми, // Господи, помощи нам потщися.

Стих: Возваша праведнии, // и Господь услыша их.

Егда безбожнии мучителие, / беззаконное веление исполняюще, / руки своя на вас возложиша / и, яко злодеев, на смерть ведоша, / тогда, святии исповедницы, / верою в Сына Божия укрепляеми / и умными очесы на подвиг Его взирающе, / страданий лютых не убоястеся // и, яко жертва священная, Богу принесостеся.

Стих: Многи скорби праведным, // и от всех их избавит я Господь.

Егда нечестивии убийцы, / жестокими ранами вас уязвивше, / в ров смертный ввергаху / и безчестно землю погребяху, / тогда, стастотерпцы славнии, / страдания лютая претерпевающе, / образ мужества показали есте / и, телесы своими в земли суще, // душами в Царствии Небеснем процвели есте.

Слава, глас 8:

О, лю́дие, ве́ру оте́ческую презре́вши! / Ка́мо веде́те нас, я́ко разбо́йников? / Почто́ ру́ки своя́ на нас протира́ете / и ра́нами жесто́кими нас уязвля́ете? / Почто́ нас в ро́ве сме́ртнем полага́ете / и земле́ю покрыва́ете? / Не ве́даете у́бо, что творите́, / си́це страда́льцы крото́ глаго́лаху, // ду́ши своя́ Го́сподеви преда́юще.

И ныне, Богородичен, глас тойже:

Безневе́стная Де́во, / я́же Бо́га неизрече́нно заче́нши плоти́ю, / Ма́ти Бо́га Вы́шняго, / Твои́х рабо́в мо́льбы́ приими́, Всенепоро́чная, / всем пода́ющи очище́ние прегреше́ний, / ны́не на́ша моле́ния прие́млющи, // моли́ спасти́ся всем нам.

На благословении хлебов: тропарь новомученикам (дважды)
и «Богородице, Дево...» (единожды).

Тропарь, глас 4:

Добропобѣднии новомученицы и исповѣдницы, / благо-
честія правило и житія евангельскаго образ явили есте, / лествь
богоборчества отвергше, / веру Православную сохранили
есте, / пострадавшие даже до крове / и лествицею мучений ко
Господу востекли есте, / Егже молите сохранити град наш от
всякаго зла, / Русь Святую утвердити в Православии // и спасти
души наша.

Иной тропарь, глас 4:

Днесь ликует град святого Петра, / прославляя новомуче-
ники и исповедники своя. / Тии бо лествь богоборчества
отвергше, / пострадаша за веру даже до крове / и, лествицею
мучений ко Господу востекающе, / Царствия Небеснаго пре-
славно достигоша. / Сего ради непрестанно Христа Бога молят /
сохранити страну нашу от всякаго зла // и спасти души наша.

НА УТРЕНИ

На «Бог Господь...»: тропарь новомученикам (дважды).

Тропарь, глас 4:

Добропобѣднии новомученицы и исповѣдницы, / благочестія правило и житія евангельскаго образ явили есте, / лествь богоборчества отвергше, / веру Православную сохранили есте, / пострадавшие даже до крове / и лествицею мучений ко Господу востекли есте, / Егже молите сохранити град наш от всякаго зла, / Русь Святую утвердити в Православии // и спасти души наша.

Иной тропарь, глас 4:

Днесь ликует град святаго Петра, / прославляя новомученики и исповедники своя. / Тии бо лествь богоборчества отвергше, / пострадаша за веру даже до крове / и, лествицею мучений ко Господу востекаяюще, / Царствия Небеснаго преславно достигоша. / Сего ради непрестанно Христа Бога молят / сохранити страну нашу от всякаго зла // и спасти души наша.

Слава, и ныне, Богородичен, глас тойже:

Еже от века утаенное / и Ангелом несведомое таинство, / Тобою, Богородице, сущим на земли явися Бог, / в неслитнем соединении воплощаемь, / и Крест волею нас ради восприим, / имже воскресив первожданнаго, // спасе от смерти души наша.

По 1-м стихословии: седален, глас 3:

Весели́ся днесь, гра́де свята́го Петра́, имѣя тёплья моли́твенники, но́вья страда́льцы за ве́ру Христо́ву, по́двиги свои́ми предѣлы твоя́ освяти́вшия. Ти́и бо жити́ем своим и богому́дрыми словесы́ плéвелы раско́ла истóргше, о́браз благоче́стия и правосла́внаго испове́дания в сердца́х ве́рных насади́ша и благо́е украше́ние гра́ду на́шему яви́шася. Те́мже, па́мять их соверша́юще, Бо́га, дивна́го во святы́х Свои́х, в пе́ниих просла́вим. (Дважды)

Слава, и ныне, Богородичен:

Спору́чнице грéшных и Уте́шительнице скорбя́щих, Пречи́стая Ма́ти Бо́жия, град наш ико́нами Твои́ми украси́вшая и святы́х мно́жество в нем воспита́вшая, Твои́ми ко Христу́ моли́твами спаси́ ду́ши на́ша.

По 2-м стихословии: седален, глас 5:

Новому́ченицы сла́внии, мраз претерпе́вшии, и в темни́цах лю́тых заточе́ние прии́мшии! А́ще и от ору́жных умерщвлéни бы́сте тéлом, оба́че духом ко́зни дяво́льския посрами́ли есте́, имéюще Христа́ прибе́жище и утвержде́ние. (Дважды)

Слава, и ныне, Богородичен:

Не има́мы ина́го прибе́жища, ра́зве Тебе́, Богоро́дице, Оте́чества на́шего усéрдная Засту́пнице: всяк бо, почита́яй Тя, наде́жду обрета́ет.

Величание:

Велича́ем вас, / святы́и новому́ченицы и испове́дницы земли́ на́шей, / и чем честна́я страда́ния ва́ша, // я́же за Христа́ претерпе́ли есте́.

Псалом избранный:

Бог нам Прибе́жище и Си́ла. / Помо́щник в ско́рбех обрётших ны зело́. / Сего́ ра́ди не убои́мся, внего́да́ смуща́ется земля́. / Я́ко Тебе́ ра́ди умерщвля́еми есмы́ весь день.

По полиелеи седален, глас 1:

До́блии страда́льцы и ве́рнии свидете́лие ве́ры Христо́вы, Це́ркве Ру́сския похвало́ и гра́ду на́шему утвержде́ние, ны́не, пра́зднующе ва́шу па́мять, Бо́гу, просла́вльшему вас, благода́рственно вопи́ем: сла́ва Да́вшему вам кре́пость во страда́ниих, сла́ва Венча́вшему вас, сла́ва Спаса́ющему нас моли́твами ва́шими. (Дважды)

Слава, и ныне, Богородичен:

Засту́пнице усер́дная, Моли́твеннице о ро́де христиа́нстем, приими́ моли́твы раб Тво́их и покрый град наш покрóвом Твоея́ бла́гости.

Степенна, 1-й антифон 4-го гласа.

Прокимен, глас 4: Проидо́хом сквозе́ огонь и во́ду, // и извёл еси́ ны в поко́й. **Стих:** Разже́гл ны еси́, я́коже разжиза́ется сребро́.

Евангелие от Матфея, зачало 36.

По 50-м псалме, глас 6:

Слава... / Молитвами святых новомучеников и исповедников земли нашей, / Милостиве, очисти // множества согрешений наших.

И ныне... / Молитвами Богородицы, / Милостиве, очисти // множества согрешений наших.

Помилуй мя, Боже, / по велицей милости Твоей / и по множеству щедрот Твоих // очисти беззаконие мое.

Стихира, глас 6:

Града нашего украшение, / Церкви Русския светлую похвалу, / Православия твердые поборники, / благочестия истинные ревнители, / расколов и нечестия искоренители, / днесь восхвалим, вернии, / новомученики и исповедники добродетельные // и теплые о нас пред Богом молитвенники.

Канон Пресвятой Богородицы – со ирмосом на 6,
новомучеников – на 8.

Песнь 1.

Канон Богородицы, глас 8.

Ирмос: Во́ду проше́д я́ко су́шу, / и египетскаго зла избежа́в, / израильтянин вопия́ше: // Изба́вителю и Бо́гу на́шему по́йм.

Припев: Пресвята́я Богоро́дице, спаси́ нас.

Мно́гими содержи́мь напа́стьми, к Тебе́ прибега́ю, спасе́ния иски́й: о Ма́ти Сло́ва и Де́во, от тяжких и лю́тых мя спаси́.

Страсте́й мя смуща́ют прило́зи, мно́гаго уны́ния испо́лнити мою́ ду́шу; умири́, Отрокови́це, тишино́ю Сы́на и Бо́га Твоего́, Всенепоро́чная.

Спа́са ро́ждшую Тя и Бо́га, молю́, Де́во, изба́виться ми лю́тых; к Тебе́ бо ны́не прибега́я, простира́ю и ду́шу и помышле́ние.

Недугу́юща те́лом и душе́ю, посеще́ния Божество́ннаго и промы́сления от Тебе́ сподо́би, еди́на Богома́ти, я́ко благая́, Блага́го же Родите́льница.

Канон новомучеников, глас 4.

Ирмос: Мо́ря чермну́ю пучи́ну / невла́жными стопа́ми / дре́вний пешеше́ствовал Израи́ль, / крестообра́зныма Моисе́овыма рука́ма // Амали́кову си́лу в пу́стыни победи́л есть.

Припев: Святы́и новомученицы́ и испове́дницы́ земли́ на́шея, моли́те Бо́га о нас.

О, святїи новомученицы и исповѣдницы земли нашея, вмѣнистеся яко овцы заколенія, и, якоже агнцы непорочнии, Богу пожершеся, за убійцы ваша крѣтко молистеся. Сего ради и Агнец Божий, вземляй грехи мира, прият вас во дворы Своя.

Жертвенную любовь явил еси, святителю Вениамине, твердостью ума показался еси непоколебимь, святыню церковную на поругание врагом не предал еси. Темже к свету невечернему пришел еси, священномучениче, радуясь, идеже молишися о спасении душ наших.

Святителю Вениамину последовали есте отче Сергие, Юрие и Иоанне достохвальнии, и вкупе мученическими венцы увенчались есте, темже ныне вашу память благочестно совершаем.

Богородичен: Державная Владычице наша Богородице, во дни гонения безбожнаго, новомученики во страданиях за Христа укрепила еси, и ныне не лишь нас Твоего Матерняго Заступления, сохраняющи в мире живот наш.

Катавасия: Отверзу уста моя...

Песнь 3.

Канон Богородицы, глас 8.

Ирмос: Небснаго круга Верхотворче Господи, / и Церкве Зиждителю, / Ты мене утверди в любви Твоей, / желаний краю, верных утверждение, // едине Человеколюбче.

Припев: Пресвятая Богородице, спаси нас.

Предстательство и покров жизни моя полагаю Тя, Богородительнице Дево: Ты мя окорми ко пристанищу Твоему, благих виновна, верных Утверждение, едина Всепетая.

Молю́, Де́во, душе́вное смущéние и печáли моея́ бѹрю разорíти: Ты бо, Богоневéстная, Нача́льника тишины́ Христа́ родила́ еси́, еди́на Пречи́стая.

Благоде́теля ро́ждши до́брых вино́внаго, благодея́ния бога́тство всем источи́: вся бо мо́жеша, я́ко си́льнаго в крѣпости Христа́ ро́ждши, Богоблаже́нная.

Лю́тыми недѹги и болéзненными страстьми́ истязáему, Де́во, Ты ми помози́: исцелéний бо неоску́дное Тя зна́ю Сокро́вище, Пренепоро́чная, неизживáемое.

Канон новомучеников, глас 4.

Ирмос: Веселится о Тебѣ́ Цѣрковь Твоя́, Христѣ́, зовѹщи: / Ты моя́ крѣпость, Го́споди, // и прибе́жище, и утвержде́ние.

Припев: Святѹи новомѹченицы и исповѣдницы земли́ нашея́, моли́те Бо́га о нас.

О, святѹи ца́рственнии страстоте́рпцы Нико́лае и Алексáндро! Вы до́браго супру́жества и дете́й воспитáния благочестѹваго о́браз яви́сте, дом свой я́ко цвѣтник духо́вный соде́лавше. Сего́ ра́ди ны́не вку́пе со ча́ды свои́ми Престо́лу Бо́жию предстоите́ и моли́тесь о ча́дах земна́го Оте́чества ва́шего.

О, ча́да царéвы, святѹи мѹченицы, вѣрнии раби́ Христо́ви: Алексѹе, О́льго, Татиáно, Мари́е и Анастасѹе! Вы, за убивáющих вас Го́споду крѹтко моля́щися, кровь свою́ неви́нную, я́ко дар многоце́нен Бо́гу принесли́ есте́. Сего́ ра́ди вас ны́не ублажа́ем и мо́лимся о стяжа́нии крѹтости и смире́ния серде́ц на́ших.

Смире́нием, я́ко ри́зою, облѣклся еси́, врачу́ Евге́ние, ца́рственных страстоте́рпцев соѹзнице, егда́ без вины́ пре́дан был еси́ сме́рти. Те́мже велича́ем страда́ния твоя́ и песносло́вим кончи́ну твою́.

Богородичен: Заступницу усердную восхвалим и честному Ея поклонимся образу, имже благословение Божие граду святого Петра даровася, и в годину лютую земли нашей крепкое бысть ограждение.

Седален, глас 8:

Святителие Христови, священницы честнии, царственнии страстотерпцы, преподобнии и праведнии, в земли Петербургстей благочестием процветшии, в годину безбожия плод веры Богу принешии и венцы мученическия от Христа Спаса улучившии, к вам яко чада ваша духовная прибегаем ныне, вы бо теплии молитвенницы о спасении душ наших. (Дважды)

Слава, и ныне, Богородичен:

О, Всепетая Богородице Владычице, исповедников похвало, мучеников славо, Ангелы восхваляемая и человеки воспеваемая, и всего мира крепкая Помощнице, избави Церковь Русскую всякаго злаго обстояния, Единая Благословенная.

Песнь 4.

Канон Богородицы, глас 8.

Ирмос: Услышах, Господи, / смотрения Твоего таинство, / разумех дела Твоя, // и прославих Твое Божество.

Припев: Пресвятая Богородице, спаси нас.

Страстей моих смущение, Кормчию рождающая Господа, и бурю утиши моих прегрешений, Богоневестная.

Милосердия Твоего бездну призывающе подаждь ми, Яже Благосердаго рождающая, и Спаса всех поющих Тя.

Наслажда́ющеся, Пречи́стая, Твои́х дарова́ний, благода́рственное воспева́ем пе́ние, ве́дуще Тя Богома́терь.

На одре́ болéзни моея́ и нéмоци низлежа́щу ми, я́ко благолюбíва, помози́, Богороди́це, еди́на Присноде́во.

Канон новомучеников, глас 4.

Ирмос: Вознесе́на Тя ви́девши Це́рковь на Кресте́, / Со́лнце Пра́ведное, / ста в чи́не своeм, / досто́йно взыва́ющи: // сла́ва си́ле Твоей, Го́споди.

Припев: Святи́и новомученицы́ и испове́дницы́ земли́ на́шея, моли́те Бо́га о нас.

В вертогра́де духо́внем земли́ Петербу́ргския́ вращен, Це́рковь Ру́сскую во дни гонéний лю́тых возгла́вил еси́, святи́телю Тихоне, крéпкое в ней стоя́ние свидeтельство́вал еси́ и па́ству твою́ невреждéнну от наве́тов вра́жиих до́бре соблю́л еси́.

Сла́внаго па́стыря Кроншта́дтскаго собесeдниче, священномучени́че Кири́лле, лeсть вра́жию му́жески попра́в и страда́ния мно́гая претерпе́в, в темни́цу за Хри́стом последовал еси́ и о́браз побе́ды духо́вныя яви́л еси́.

Саро́вскому чудотворцу́ тезоимени́тый, священномучени́че Серафи́ме, благоче́стия учи́телю и еди́нства церко́внаго побóрниче, те́мже и пострада́л еси́ да́же до кро́ве. Моли́ Хри́ста Бо́га еди́нство нам сохра́нити и серафи́мския́ ра́дости прича́стники яви́тися.

Богородичен: Дивно́ украси́ся Ла́вра Не́вская ико́ною Твоeю, Богороди́це Влады́чице, ю́же благоволи́ла еси́ да́ти ве́рным в по́мощь и утеше́ние, ско́ро бо слы́шиши мо́льбы́ в ско́рбех Тя призыва́ющих.

Песнь 5.

Канон Богородицы, глас 8.

Ирмос: Просвети́ нас повелѣнии Твои́ми, Го́споди, / и
мы́шцею Твое́ю висо́кою / Твой мир пода́ждь нам, //
Человеколю́бче.

Припев: Пресвята́я Богоро́дице, спаси́ нас.

Исполни, Чи́стая, весѣлия се́рдце мое́, Твою́ нетле́нную
даю́щи ра́дость, весѣлия ро́ждшая Вино́внаго.

Изба́ви нас от бед, Богоро́дице Чи́стая, ве́чное ро́ждши
Избавле́ние, и Мир, всяк ум преиму́щий.

Разреши́ мглу прегреше́ний мои́х, Богоневѣсто, просвеще́-
нием Твоея́ све́тлости, Свет ро́ждшая Божѣственный и пре-
ве́чный.

Исцели́, Чи́стая, души́ моея́ неможѣние, посещѣния Твоего́
сподобля́шая, и здра́вие моли́твами Твои́ми пода́ждь ми.

Канон новомучеников, глас 4.

Ирмос: Ты, Го́споди, мой Свет, / в мир пришѣл еси́, / Свет
Святы́й, / обраща́й из мра́чна неведе́ния // ве́рою воспева́ющая
Тя.

Припев: Святѣи́и новомученицы и исповѣдницы земли́
на́шея, моли́те Бо́га о нас.

Новомучениче Петрогра́дский Пѣ́тре, ка́меню драги́й и
сла́вный Це́ркве Ру́сская, служи́телю ве́рный Цари́цы Богоро́-
дицы, ты, ре́вностию Божѣственною распаля́емь, безу́мие
безбо́жников изобличѣ́л еси́ и кровь за Христа́ проли́ял еси́.

Богодухновѣнне проповѣдниче, священномучениче Филосо́фе, гра́да на́шего похва́ло, из благотворя́щаго се́рдца твоего́ ре́ки воды́ живы́я истекóша, ду́ши и телеса́ жа́ждущих росóю благода́ти напая́юще, утоли́ днесь печа́ли душ на́ших тёплыми тво́ими моли́твами.

Ча́да тво́я, Никола́я и Бори́са, до́бре воспита́л еси́, па́стырю блаже́нне Филосо́фе, я́же с тобо́ю вку́пе на по́двиг востекóша и венце́м му́ченическим Христа́ Влады́ки украси́шася, те́мже и мо́лятся о ча́дах земна́го своего́ Оте́чества.

Богородичен: О Де́во Богороди́тельнице, оби́димых Засту́пнице и всех скорбя́щих Ра́досте! Приими́ благода́рственное на́ше пѣние и бу́ди нам тёплая Хо́датаица у Престо́ла Сы́на Твоего́ и Бо́га на́шего.

Песнь 6.

Канон Богородицы, глас 8.

Ирмос: Моли́тву пролию́ ко Го́споду, / и Тому́ возвещу́ печа́ли моя́, / я́ко зол душа́ моя́ исполнися, / и живо́т мой а́ду прибли́жися, / и молю́ся я́ко Ио́на: // от тли, Бо́же, возведи́ мя.

Припев: Пресвята́я Богоро́дице, спаси́ нас.

Сме́рти и тли я́ко спасл есть, Сам Ся изда́в сме́рти, тлѣнием и сме́ртию моё естество́ я́то бы́вшее, Де́во, мо́ли Го́спода и Сы́на Твоего́, враго́в злоде́йствия мя изба́вити.

Предста́тельница Тя живо́та вем, и Храни́тельница твёрду, Де́во, и напáстей реша́щу молвы́, и нало́ги бесóв отгоня́юще; и молю́ся всегда́, от тли страсте́й мо́их изба́вити мя.

Яко стѣну прибѣжища стяжахом, и душъ всесовершенство спасѣние, и пространство въ скорбехъ, Отроковице, и просвѣщеніемъ Твоимъ присно радуемся: о Владычице, и нынѣ насъ отъ страстей и бедъ спаси.

На одрѣ нынѣ немощствуяй лежу, и несть исцелѣнія плоти моей; но Бога и Спаса миру, и Избавителя недуговъ рождающая, Тебѣ молюся Благой: отъ тли недугъ возстави мя.

Канон новомучениковъ, гласъ 4.

Ирмосъ: Пожру Ти со гласомъ хвалѣнія, Господи, / Церковь вопиетъ Ти, / отъ бесовския крове очищися, / ради милости отъ ребръ Твоихъ // истекшею Кровию.

Припевъ: Святѣи новомученицы и исповѣдницы земли нашея, молитѣ Бога о насъ.

Доблестный страдальче и священномучениче Иоанне Царскосельскій, первый въ новомученицехъ Петербургскихъ явился еси, моли Владыку Христа Бога сохранитися Отечеству нашему отъ междоусобныхъ браней и спастися душамъ нашимъ.

Братства церковная устроая, преподобномучениче Льве, благодѣтель неусыпный и помощникъ нищимъ и странникамъ, сирымъ и страждущимъ показался еси, темже, Царствие Небесное унаследовавъ, молишися о братолюбивыя память твою воспевающихъ.

Больша сея никтоже любви имать, да кто душу свою положитъ за други своя. Сѣце убо и ты, священномучениче Алексіе Петроградскій, за собрата жизнь отдавъ свою, въ жертву Богу принеслся еси.

Богородичен: Ико́ною Твоёю Зна́мение, Ма́ти Де́во, в Ца́рstem Селе́ во дни губи́тельных пове́трий исцеле́ние мно́гим дарова́ла еси́, ны́не же, во гра́де свята́го Петра́ Духо́вный цвётник красу́ется, имёя ю́ яко Божё́ственное сокрови́ще, Ты бо, Пречи́стая, всех притека́ющих к Тебе́ ско́рая еси́ Помо́щница.

Кондак, глас 3:

Днесь па́мьять новому́чеников и испове́дников Пе-тербу́ргских соверша́юще, / припаде́м ко Го́споду и возопи́им: / Христе́ Бо́же, тех моли́твами умири́ мир Твой, // и спаси́ ду́ши на́ша, яко́ Благ и Человеколю́бец.

Икос:

Егда́ найде на Зе́млю Ру́сскую годи́на гонéний лю́тых и испытáний час, не оскуде́ тогда́ моли́тва и не исся́кну по́двиг любве́ и творéния до́брых дел, мно́жество бо восста́ша новоявлéнных подви́жник в земли́ Петербу́ргстей, убагри́вше ю́ то́ком кровей́ своих. Приидите́ у́бо, мучениколю́бцы, подвиго́м их подража́юще, с любóвию возопи́ем: Христе́ Бо́же, умири́ мир Твой, и спаси́ ду́ши на́ша, яко́ Благ и Человеколю́бец.

Песнь 7.

Канон Богородицы, глас 8.

Ирмос: От Иудей дошедше отроцы, / в Вавилоне иногда, / верою Тройческою пламень пещный попраша, поюще: // отцев Боже, благословен еси.

Припев: Пресвятая Богородице, спаси нас.

Наше спасение якоже восхотел еси, Спасе, устроить, во утробу Девыя вселился еси, Юже миру Предстательницу показал еси: отец наших Боже, благословен еси.

Воителя милости, Егоже родила еси, Мати Чистая, умоли избавитися от прегрешений и душевных скверн верою зовущим: отец наших Боже, благословен еси.

Сокровище спасения и источник нетления, Тя рождшую, и столп утверждения, и дверь покаяния, зовущим показал еси: отец наших Боже, благословен еси.

Телесныя слабости и душевныя недуги, Богородительнице, любовьию приступающих к крову Твоему, Дево, исцелити сподоби, Спаса Христа нам рождшая.

Канон новомучеников, глас 4.

Ирмос: В пещи авраамстии отроцы персидстей, / любовьию благочестия паче / нежели пламенем, опаляеми, взываху: // благословен еси в храме славы Твоея, Господи.

Припев: Святии новомученицы и исповедницы земли нашея, молитесь Бога о нас.

Священномучениче Нико́лае, сподви́жнице чудотво́рца Кроншта́дтскаго. Любо́вию Христо́вою распалѣемь, отца́ своего́ духо́внаго пред лицѣмъ смѣрти не отвѣрглся еси́. И ны́не, во двѣрехъ Бо́га на́шего водворя́ясь, не забу́ди нас, пою́щих: отце́в на́ших, Бо́же, благослове́н еси́.

Священномучениче Ка́рпе, твёрдый адама́нте ве́ры Христо́вы! Ты па́ству хра́ма Исидоровскаго во гра́де свята́го Петра́ до́бре упасл еси́ и му́жественне за Христа́ пострадал еси́. Ны́не же с ли́ки святы́х воспева́еши: отце́в на́ших, Бо́же, благослове́н еси́.

Земля́ Петербу́ргская освяти́ся, напитавши́ся кро́вьми ва́шими, и пу́стошь Левашо́вская облагоуха́ся, при́ймше телеса́ ва́ша, новомученицы́ многочисленнии, во страда́ниих ко Го́споду взыва́вшии: отце́в на́ших, Бо́же, благослове́н еси́.

Богородичен: Твое́ю всечестно́ю ико́ною Тихфинскою, ю́же земля́ на́ша, яко не́кий дар Божество́нный, свѣше благоговѣ́йно при́ят, при́сно страну́ на́шу, о, Госпоже́ Цари́це Богоро́дице, покрѣй, заступи́ и спаси́ ю́ от всех наветъ вра́жиих.

Песнь 8.

Канон Богородицы, глас 8.

Ирмос: Царя́ Небе́снаго, / Его́же пою́т во́и а́нгельстии, // хвали́те и превозноси́те во вся ве́ки.

Припев: Пресвята́я Богоро́дице, спаси́ нас.

Помощи́ яже от Тебе́ тре́бующия не прѣзри, Де́во, пою́щия и превознося́щия Тя во ве́ки.

Неможѣние души моея исцеляеши, и телѣсныя болѣзни, Дѣво, да Тя прославлю, Чистая, во вѣки.

Исцелѣний богатство изливаеши вѣрно поющим Тя, Дѣво, и превозносящим неизреченное Твое Рождество.

Напастей Ты прилоги отгоняеши, и страстей находы, Дѣво: темже Тя поем во вся вѣки.

Канон новомучеников, глас 4.

Ирмос: Руце распростер, Даниил, / львов зияния в рове затче; / огненную же силу угасиша, / добродетелию препоясавшися, / благочестия рачители, отроцы, взывающе: // благословите, вся дела Господня, Господа.

Припев: Святїи новомученицы и исповѣдницы земли нашея, молитѣ Бога о нас.

Преподобномученице Елисавето, благоверная княгине! Ты, яко Марія, Христу Богу всем сердцем внимаючи, и, яко Марфа, Ему с любовью служащи, образ дѣятельнаго благочестия нам явила еси и веру даже до смерти непорочно сохранила еси, поющи: благословите, вся дела Господня, Господа.

Преподобномученице Маріе Гатчинская, страдалице предивная! Ты в годину безбожия всех приходящих к тебе утешала еси и крепость веры и благочестия в житїи твоѣм явила еси, воспеваючи: благословите, вся дела Господня, Господа.

Восхвалим пѣсньми жены святїя: Екатерину и Кїру, вкупе со Анною, тыя бо естество немощное силою Божіею укрепивше, на страдания устремшася и ликующе взываху: благословите, вся дела Господня, Господа.

Богородичен: Вѣмы Тя, Богоблагодатная, скорое погѣбших взысканіе, нас, немощных, крепость и утверждение; темже зовѣм Ти усердно: от напастей и печали свободи нас, Владычице, к Тебѣ прибегающих.

Песнь 9.

Песнь Богородицы:

Стих: Величит душа Моя Господа, / и возрадовася дух Мой о Бозе Спасе Моём.

Ирмос: Честнейшую херувим, и славнейшую без сравнения Серафим, без истления Бога Слова рождшую, сущую Богородицу Тя величаем. (На каждый стих)

Стих: Яко призре на смирение рабы Своея, / се бо от ныне ублажат Мя вси роди.

Стих: Яко сотвори Мне величие Сильный, / и свято имя Его, и милость Его в роды родов боящимся Его.

Стих: Сотвори державу мышцею Своею, / расточи гордыя мыслию сердца их.

Стих: Низложи сильныя со престол, и вознесе смиренныя; / алчущия исполни благ, и богатящиеся отпусти тщи.

Стих: Восприят Израиля отрока Своего, помянути милости, / якоже глагола ко отцем нашим, Аврааму и семени его даже до века.

Канон Богородицы, глас 8.

Ирмос: Войстинну Богородицу / Тя исповедуем, / спасеннии Тобою, Дево Чистая, // с безплотными лики Тя величающе.

Припев: Пресвятая Богородице, спаси нас.

Тока слез моих не отврати́ся, Яже от всякаго лица́ всяку слезу отъёмшаго, Дево, Христа́ рожда́шая.

Радости моё сердце исполни, Дево, Яже радости приёма́шая исполне́ние, греховную печаль потребля́ющи.

Приста́нище и предста́тельство к Тебе́ прибега́ющих бу́ди, Дево, и стена́ неруши́мая, прибе́жище же и покрóв и весе́лие.

Света́ Твоего́ заря́ми просвети́, Дево, мрак неведе́ния отгоня́ющи, благове́рно Богороди́цу Тя испове́дающих.

Канон новомучеников, глас 4.

Ирмос: Ка́мень нерукосе́чный / от несекóмыя горы́, Тебе́, Дево, / краеуго́льный отсече́ся, / Христо́с, совокупивый расто́ящаяся естества́. // Тем веселя́щися, Тя, Богороди́це, велича́ем.

Припев: Святѣи новомученицы и исповѣдницы земли́ наша́я, моли́те Бо́га о нас.

Святѣтелие Христо́ви, блюсти́телие благоче́стия церко́внаго, сорабо́тницы святѣтеля Тѣхона, па́ству в земли́ Пе́тербу́ргстей во еди́нстве соблюдо́сте, сего́ ра́ди вас ублажа́ем.

Свяще́нницы честни́и, земли́ наша́я па́стырие до́брии, в но́щи безбо́жия свет Христо́в ве́рным яви́вши, залóг, от Бо́га дарова́нный, невреждённо сохрани́сте, сего́ ра́ди вас почита́ем.

Святѣи новомученицы и исповѣдницы земли́ наша́я, имену́емии и неимену́емии, явле́ннии и неявле́ннии, Бо́гом зна́емии, ва́ше о́бщее торже́ство ны́не соверша́юще, Бо́га дѣвнаго во святы́х Свои́х велича́ем.

Богородичен: Град Твой сохраняй, Богородительнице, прославляющий новомучеников память, и под державный Твой Покров прибегающим подаждь мир и благоденствие. Тем, веселящаяся, Тя, Богородице, величаем.

Светилен:

Радуйся, славный граде святого Петра, слава бо новомучеников и исповедников в тебе возсия. Ликуйте ныне и веселитесь, благочестивии людие, имуще сонм велий новых молитвенников и ходатаев пред Отцем Небесным.

Слава, и ныне, Богородичен:

О Тебе хвалимся, Богородительнице, и к Богу Тя имамы Предстательство, простри покров Твой святой на ны и умоли Сына Твоего и Бога нашего, да спасет души наша.

На хвалитех: стихиры на 4, глас 8.

Подобен: «О, преславнаго чудесе...»

О, пресла́внаго чудесе́! / Днесь лику́ет земля́ Пе-
тербу́ргская / благода́тию новому́чеников и испове́дников сво́их
красу́ющихся, / и́же ду́ши сво́я за Христа́ положи́ша и ве́ру до
конца́ соблюдо́ша. / Те́мже, духо́вно ра́дующесея, / Го́спода див-
наго во святы́х Сво́их прославля́ем и со умиле́нием взыва́ем: /
имено́вании и неимено́вании сродни́цы на́ши, / Христа́ Бо́га мо-
ли́те // дарова́ти нам мир и ве́лию ми́лость. (Дважды)

О, пресла́внаго чудесе́! / Новому́ченицы и испове́дницы
Петербу́ргстии, / лю́тыми страда́нии и муче́нии / пропове́дницы
всеобщаго Воскресе́ния явля́ются / и жесто́кия сме́рти сподоб-
ля́ются, / оба́че Го́сподом Сил прославля́ются, / и в Небе́сном
Ца́рствии со все́ми святы́ми / и́стее Па́схи Христо́вы причаща́-
ются // и мо́лятся о душа́х на́ших.

О, пресла́внаго чудесе́! / Лик новому́чеников и испове́д-
ников Петербу́ргских / вку́пе с первоверхо́вным апо́столом
Петро́м / у Престо́ла Царя́ Небе́снаго за град наш мо́лится
усе́рдно. / Сего́ ра́ди, любóвию воздвиза́емии, и мы воспойм: /
ра́дуйтесея, страсоте́рпцы Христо́ви, похвало́ на́ша и утве-
ржде́ние! / Христу́ Бо́гу моли́тесея, / да изба́вит нас от вся́каго
зла // и спасе́т ду́ши на́ша.

Слава, глас 8:

Мужественне крест свой на ра́мо взёмше/ и добродётельми вооружившеся,/ безбо́жнѣя навѣты гонителей си́лою Бо́жиею победи́ли естѣ/ и му́ченическими страда́ньми боже́ственного приста́нища дости́гли естѣ,/ иде́же от Влады́ки Христа́ кийждо от вас услы́ша:/ благо́й и ве́рный ра́бе,/ вни́ди в ра́дость Го́спода твоего́./ Того́ приле́жно моли́те,/ грехо́в оставле́ние нам дарова́ти// и спасе́ние душа́м на́шим.

И ныне, Богородичен, глас тойже:

Влады́чице, приими́ моли́твы раб Твои́х, / и изба́ви нас // от вся́кия ну́жды и печа́ли.

Славословие великое и отпуст.

НА ЧАСАХ

Тропарь, глас 4:

Добропобѣднии новомученицы и исповѣдницы, / благочестія правило и житія евангельскаго образ явили есте, / лествь богоборчества отвергше, / веру Православную сохранили есте, / пострадавшие даже до крове / и лествицею мучений ко Господу востекли есте, / Егоче молитѣ сохранити град наш от всякаго зла, / Русь Святую утвердити в Православии // и спасти души наша.

Иной тропарь, глас 4:

Днесь ликует град святаго Петра, / прославляя новомученики и исповѣдники своя. / Тии бо лествь богоборчества отвергше, / пострадаша за веру даже до крове / и, лествицею мучений ко Господу востекающе, / Царствия Небеснаго преславно достигоша. / Сего ради непрестанно Христа Бога молят / сохранити страну нашу от всякаго зла // и спасти души наша.

Кондак, глас 3:

Днесь память новомучеников и исповѣдников Петербургских совершающе, / припадѣм ко Господу и возопиим: / Христѣ Боже, тех молитвами умири мир Твой, // и спаси души наша, яко Благ и Человеколюбец.

НА ЛИТУРГИИ

Блаженна от канона новомучеников: песни 3-я и 6-я.

Во Царствии Твоём помяни нас, Господи, егда приидеши, во Царствии Твоём.

На 12: Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротци, яко тии наследят землю.

Блажени алчущии и жаждущии правды, яко тии насытятся.

На 8: Блажени милостивии, яко тии помиловани будут.

Веселится о Тебе Церковь Твоя, Христе, зовущи: Ты моя крепость, Господи, и прибежище, и утверждение.

Блажени чистии сердцем, яко тии Бога узрят.

О, святии царственнии страстотерпцы Николае и Александро! Вы добраго супружества и детей воспитания благочестиваго образ яviste, дом свой яко цветник духовный соделавше. Сего ради ныне вкупе со чады своими Престолу Божию предстоите и молитесь о чадах земнаго Отечества вашего.

На 6: Блажени миротворцы, яко тии сынове Божии нарекутся.

О, чада царевы, святии мученицы, вернии раби Христови: Алексие, Ольго, Татиано, Марие и Анастасие! Вы, за убивающих вас Господу кротко молящися, кровь свою невинную, яко дар многоценен Богу принесли есте. Сего ради вас ныне ублажаем и молимся о стяжании кротости и смирения сердец наших.

Блажéни изгнáни правды ráди, я́ко тех есть Цáрство Небéсное.

Смирéнием, я́ко рíзою, облéклся еси́, врачú Евгéние, цáрственных страсотéрпцев соúзнице, егда́ без вины́ прéдан был еси́ смéрти. Тёмже велича́ем страда́ния тво́я и песносло́вим кончи́ну твою́.

На 4: Блажéни естé, егда́ понóсят вам, и изженúт, и рекúт всяк зол глаго́л на вы, лжу́ще Менé ráди.

Дóблестный страда́льче и священномúчениче Иоáнне Царскосéльский, пёрвый в новомúченицех Петербúргстих яви́лся еси́, моли́ Влады́ку Христа́ Бо́га сохранíтися Отéчеству на́шему от междоусóбных брани и спасти́ся душáм на́шим.

Рáдуйтесь и веселíтся, я́ко мзда ва́ша мно́га на Небесéх.

Братства церковная устроя́я, преподобномúчениче Льве, благодéтель неусы́пный и помощник ни́щим и страннóм, сýрым и стра́ждущим показáлся еси́, тёмже, Цáрствие Небéсное унаслéдовав, моли́шися о братолóбии пáмять твою́ воспева́ющих.

Слáва Отцú и Сы́ну и Свято́му Дúху.

Бóльши се́я никто́же любвé имать, да кто дúшу свою́ положит за дрúги своя́. Си́це úбо и ты, священномúчениче Алексíе Петроградский, за собрата́ жизнь отда́в свою́, в жéртву Бо́гови принéслся еси́.

И ны́не и прíсно и во вéки векóв. Амíнь.

Ико́ною Твоёю́ Зна́мение, Ма́ти Дéво, в Цáрстем Селé во дни губи́тельных повет́рий исцелéние мно́гим даровáла еси́, ны́не же, во граде свята́го Петра́ Духóвный цвётник красúется, имéя ю́ я́ко Божéственное сокрови́ще, Ты бо, Пречи́стая, всех притека́ющих к Тебé ско́рая еси́ Помóщница.

Прокимен, глас 8: Гóсподи, Тебé ра́ди // умерщвля́еми есмь́ весь день. **Стих:** Вмени́хомся я́ко о́вцы заколе́ния.

Апостол к Римляном, зачало 99.

Брати́е, ве́мы я́ко лю́бящим Бо́га вся поспешеству́ют во благо́е, су́щим по предувéдению зва́нным. Ихже бо предувéде, тех и предуста́ви сообра́зным бы́ти о́бразу Сы́на Своего́, я́ко бы́ти Ему́ перворо́дну во мно́гих бра́тиях. А ихже предуста́ви, тех и призва́, а ихже призва́, сих и оправда́, а ихже оправда́, сих и просла́ви. Что у́бо рече́м к сим, а́ще Бог по нас, кто на ны? И́же у́бо Своего́ Сы́на не пощаде́, но за ны вся пре́дал естъ Его́, ка́ко у́бо не и с Ним вся нам да́рствует? Кто поёмлет на избра́нныя Бо́жия? Бог оправда́й. Кто осужда́й? Христóс Иису́с умерь́й, па́че же и воскресь́й, И́же и естъ одесну́ю Бо́га, И́же и хода́тайствует о нас. Кто ны разлучи́т от любве́ Бо́жия? Скорбь ли, или́ теснота́, или́ гонéние, или́ глад, или́ нагота́, или́ беда́, или́ мечь? Я́коже естъ пи́сано: я́ко Тебé ра́ди умерщвля́еми есмь́ весь день, вмени́хомся я́коже о́вцы заколе́ния. Но о сих всех препо́бежда́ем за Возлю́бльшаго ны. Извести́хся бо, я́ко ни смерть, ни живо́т, ни А́нгели, ни Нача́ла, ниже́ Си́лы, ни настоя́щая, ни гряду́щая, ни высотá, ни глубина́, ни и́на тварь ка́я возмо́жет нас разлучи́ти от любве́ Бо́жия, я́же о Христé Иису́се Гóсподе на́шем.

Аллилуия, глас 4: Воззва́ша пра́веднии, и Госпо́дь услы́ша их, и от всех скорбе́й их изба́ви их. **Стих:** Мно́ги скорби пра́ведным, и от всех их изба́вит я́ Госпо́дь.

Евангелие от Луки, зачало 106.

Причастен: Ра́дуйтеся, пра́веднии о Го́споде, пра́вым подоба́ет похвала́.

Молитва.

О, избра́ннии уго́дницы Христо́ви, новому́ченицы и испове́дницы Петербу́ргстии, Це́ркве Ру́сския столпи́ непоколебѣ́мии, земли́ на́шея похвало́, па́сты Христо́вы предста́телие и наста́вницы! Вы во вре́мя гонѣ́ния безбо́жнаго о́браз му́жественнаго и кро́ткаго стоя́ния за ве́ру яви́ли есте́, и лю́тую смерть приѣ́мше, в му́ченицех просия́ли есте́, апо́стольский завет ве́дуще: ничто́же бо разлучи́т вас от любве́ Бо́жия. Ны́не же мы, недосто́йнии, умилѣ́нною душе́ю и сокруше́нным се́рдцем вас призыва́ем и те́пле вопие́м: утверди́те нас в ве́ре святе́й, научи́те нас всегда́ твори́ти во́лю Бо́жию и храни́ти за́поведи Его́. Па́стырем на́шим бу́дите пра́вило ве́ры, боля́щим вра́чеве изря́днии, печа́льным уте́шителie, гони́мым засту́пницы, ю́ным наста́вницы, нам же всем благосе́рднии и те́плии моли́твенницы.

О, добропобѣ́днии новому́ченицы и испове́дницы! Умоли́те Го́спода Бо́га, да соблюде́тся в ве́ре Правосла́вней Оте́чество на́ше, град наш утверди́тся до сконча́ния ве́ка и в нем досто́йно и пра́ведно прославля́ется И́мя Пресвяты́я Тро́ицы, Отца́ и Сы́на и Свята́го Ду́ха, во ве́ки веко́в. **Ами́нь.**

Собор новомучеников и исповедников Санкт-Петербургской митрополии:

- св. страстотерпец император **Николай II**
- св. страстотерпица императрица **Александра**
- св. страстотерпица великая княжна **Ольга**
- св. страстотерпица великая княжна **Татиана**
- св. страстотерпица великая княжна **Мария**
- св. страстотерпица великая княжна **Анастасия**
- св. страстотерпец цесаревич **Алексий**
- св. страстотерпец праведный врач **Евгений** (Боткин)
- сщмч. **Вениамин** (Казанский), митрополит Петроградский и Гдовский – 13.08.1922
- сщмч. **Григорий** (Лебедев), епископ Шлиссельбургский – 17.09.1937
- сщмч. **Кирилл** (Смирнов), митрополит Казанский – 20.11.1937
- сщмч. **Николай** (Клементьев), епископ Великоустюжский – 31.12.1937
- сщмч. **Иларион** (Троицкий), архиепископ Верейский – 28.12.1929
- сщмч. **Платон** (Кульбуш), епископ Ревельский – 14.01.1919
- сщмч. **Сергий** (Дружинин), епископ Нарвский – 17.09.1937
- сщмч. **Симон** (Шлеев), епископ Уфимский – 18.08.1921
- сщмч. протоиерей **Александр** Саульский – 1.06.1938
- сщмч. протоиерей **Алексий** Ставровский – 14.10.1918
- сщмч. протоиерей **Викторин** Добронравов – 28.12.1937
- сщмч. протоиерей **Владимир** Лозина-Лозинский – 26.12.1937
- сщмч. протоиерей **Григорий** Пospelов – 26.03.1921
- сщмч. протоиерей **Григорий** Сербаринов – 8.01.1938
- сщмч. протоиерей **Иоанн** Кочуров – 13.11.1917
- сщмч. протоиерей **Иоанн** Сарв – 3.12.1937
- сщмч. протоиерей **Иоанн** Стеблин-Каменский – 2.08.1930
- сщмч. протоиерей **Карп** Эльб – 24.09.1937
- сщмч. протоиерей **Михаил** Чельцов – 7.01.1930
- сщмч. протоиерей **Николай** Кулаков – 1.06.1938
- сщмч. протоиерей **Николай** Кулигин – 14.10.1937
- сщмч. протоиерей **Николай** Прозоров – 21.08.1930
- сщмч. протоиерей **Николай** Симо – 18.04.1931

- сщмч. протоиерей **Николай** Розов - 5.03.1938
- сщмч. протоиерей **Петр** Скипетров – 1.02.1918
- сщмч. **Сергий Тихомиров** – 21.08.1930
- сщмч. протоиерей **Философ** Орнатский – 13.06.1918
- сщмч. иерей **Александр** Волков – 8.01.1919
- сщмч. иерей **Василий** Канделябров – 3.12.1937
- сщмч. иермонах **Владимир** (Пищулин) – 10.02.1937
- сщмч. иерей **Емилиан** Панасевич – 3.12.1937
- сщмч. иерей **Николай** Покровский – 3.12.1937
- сщмч. иерей **Павел** Брянцев – 1.06.1938
- сщмч. протодиакон **Никита** Алмазов – 28.11.1937
- сщисп. протоиерей **Михаил** Союзов – 19.10.1922
- прмч. игумен **Арсений** (Дмитриев) – 3.12.1937
- прмч. иермонах **Арефа** (Митренин) – 6.11.1932
- прпмц. вел. княгиня **Елисавета** – 18.07.1918
- прмц. игумения **Иоанникия** (Кожевникова) – 3.12.1937
- прмч. архимандрит **Лев** (Егоров) – 20.09.1937
- прмц. монахиня **Мария** Гатчинская (Лелянова) – 17.04.1932
- прмч. архимандрит **Сергий** (Шеин) – 13.08.1922
- прмч. архидиакон **Серафим** (Вавилов) – 17.02.1938
- мц. **Екатерина** Арская – 17.12.1937
- мч. **Иоанн** Ковшаров – 13.08.1922
- мц. **Анна** Лыкошина – 11.10.1925
- мч. **Юрий** Новицкий – 13.08.1925
- мц. княжна **Кира** Оболенская – 17.12.1937
- мч. **Борис** Орнатский – 13.06.1918
- мч. **Николай** Орнатский – 13.06.1918